



ԳԱՌԱՆԻԿ ԱԽԴԻՐ ❀ ❀ ❀
❀ ❀ ❀ ≡ Յ.ԹՈՒՄԱՆԵԱՆ



ԳԱՌՏԻԿ ԱՆՊԷՐ

Երկու որբեր,
քուր ու ախպէր,
կորած գընում են հեռու.
արևը վառ,
ճամփէն երկար,
ոչ աղբիւր կայ, ոչ առու:

Քոյրը մեծ էր, ոնց որ լինէր
կը համբերէր արեփն,
Բայց ախպէրը փոքրիկ էր դեռ,
Չէր գիմանում ծարաւին:

Գընում են, գընում, տեսնում են ճամփին,
կովի ոտնատեղ՝ մէջը լիքը ջուր:
«Քուրիկ ջան, քուրիկ, ես շատ եմ ծարաւ,
ի՛նչ կրլի թոյնեա խըմեմ մի պուճուր»:

Չէ, ախպէր ջան, չէ, դու կով կը դառնաս,
կովի կըճղակի տեղից մի խըմի.
մի քիչ էլ կացի... քիչ էլ որ կենաս,
առաջներըս պաղ աղբիւր կայ հիմի:

Երկու որբեր,
քուր ու ախպէր,
գընում, գընում են հեռու.
արևը վառ,
ճամփէն երկար,
ոչ աղբիւր կայ, ոչ առու:

Գընում են, գընում, տեսնում են ճամփին
ձիու ոտնատեղ՝ մէջը լիքը ջուր:
«Քուրիկ ջան, քուրիկ, ես շատ եմ ծարաւ,
ի՛նչ կրլի թոյնեա խըմեմ մի պուճուր»:

— Չէ, ախպէր ջան, չէ, դու ձի կը դառնաս,
ձիու սըմբակի տեղից մի խըմի,
մի քիչ էլ կացի, քիչ էլ որ կենաս՝
մօտիկ մի գուլալ աղբիւր կայ հիմի:

Երկու որբեր,
քուր ու ախպէր,
գընում, գընում են հեռու.
արևը վառ,
ճամփէն երկար,
ոչ աղբիւր կայ, ոչ առու:

Գընում են, գընում. տեսնում են ճամփին
զառան ոտնատեղ՝ մէջը լիքը ջուր:
Փոքրիկ ախպէրը էլ չի համբերում,
բըրռջից թաքուն խըմում է պուճուր:


Քոյրը մին էլ ետ է նայում,
որ մի գառը մղկըտալի
իր ետևից տրխուր մայում
ու. մայելով վազ է տալի:

Խեղճ Մանուշը վայ է տալիս,
վայ է տալիս, լալիս, լալիս.
բայց էլ ի՞նչ անէր,
բայց էլ ո՞նց անէր...

Երկու որբեր,
քուր ու ախպէր,
գառն ու աղջիկ մոլորւած,
հեռու երկրում
տրխուր-տրորտում
գընճում, գընում են կորած:



Մոված ու ծարաւ գընում են, գընում
գընում են, գընում, չը գիտեն թէ ուր.
վերջապէս մի հով անտառ են մըտնում,
անտառի միջին մի գանգակ աղբիւր:
Կուշտ-կուշտ խըմում են էն սառը ջրից,
յեսոյ Մանուշը ծառն է բարձրանում,
գառնիկ ախպէրն էլ ծառերի տակին
մուշ-մուշ արածում, արոճ է անում:
Իրիկան պահին խրխինջ ու քըրքիջ...
լըցւում է յանկարծ անտառն աղմուկով.
մօտիկ են գալի ձայները քիչ-քիչ...
մօտիկ են գալի ծիծաղով, երգով...



Եւ անա ոսկի սանձերից բրոնզ
բերում են ջրբն ձիանքն արքայի:
Ամենի ձիանքն աղբիւրից խրրանամ՝
ծառ-ծառ են կանգնում ու մօտ չեն
գալի:

Մըտիկ են տալի ծառայքը մէկ էր,
որ սիրուն մի ցոյք ջրբի մէջն ընկեր,
ու շուրք քանի ալիք է տալի,
նա էլ ջրբի հետ գրնում է գալի:



Նայում են վերև: Ի՞նչ տեսնեն, Աստուծ.
մի հուր-հրեղէն, մի շարմաղ աղջիկ,
ծառի ճիւղերին նազելի նրստամ՝
նայում է ներքև լրուիկ ու մընջիկ
Մի սիրուն աղջիկ արմանք ու զարմանք:
Զարմանք է պատում խեղճ ծառաներին.
Տէր Աստուծ, արդեօք ի՞նչ հրրաշք է սա,
վայրի անտառում ի՞շամ էս ծառին:


—Ո՞վ ես, չքնաղ, տեսիլք ես դու,
թէ հողեղէն արարած.

թէ տեսիլք ես՝ կաց մի քիչ էր,
թէ աղջիկ ես արի ցած:

Ցած եկ տեսնենք ինչպէս եղաւ,
որ ծագեցիր դու մեզ մօտ.
ինչ ցաւ է քեզ արդեօք բերել
մեր աշխարհքը անձանօթ,

—Մեզ որբութեան ցաւն է բերել
ձեր աշխարհքը անձանօթ:
Զայն է տալի ծառի վրբից
մեր Մանուշը ամաշկատ:

Մենք տուն չունենք, ոչ ապաւէն
էս լայն արձակ աշխարհում,
մութն էլ հիմի շուտով կընկնի,
վախենում ենք անտառում:




Ու ծառաները գառն ու աղջկան
առնում են բերում պալատն արքայի:
«Ո՛վ ես դու, սիրուն, հարցնում է արքան,
անբան գառան հետ ի՞նչ ես ման գալի»:

Կանգնում է աղջիկն էստեղ նորից նոր
պատմում է, ինչ որ պատմեցի ես ձեզ.
Թէ ապրած կենաս, ահեղ թագաւոր
մեր բանը, հապա՛, էսպէս ու էսպէս...



Թագաւորն երբ որ լրսում է մին մին՝
եւ շատ ցաւում է, և շատ հաւանում.
անում է նրան իրեն թագուհին,
եօթն օր, եօթ գիշեր հարսանիք անում:

Ու փառքի միջում, շրքեղ դահլիճում,
լիքն ու երջանիկ ապրում է Մանուշ.
Գառնիկ ախպէրն էլ ճոխ պարտէզներում
արօտ է անում ու խաղում անուշ:



Պալատումը կար նախանձոտ ու չար
մի պառաւ կընիկ, հընուց աղախին.
նախանձում է սա, թէ ոնց պիտի գայ
մի որը՝ թագուհի դառնայ մեր գրչիին:

Մի օր էլ գալի, գըլուխ է տալի,
առաջը կանգնում կեղծաւոր գովում:

«Արի քեզ տանեմ, սիրուն թագուհի,
չըփ-չ'ըփ, լողացնեմ շարմաղ էն ծովում»:

Խարում է, տանում, գցում ծովի մէջ,
շորերը առնում, ետ բերում քաղաք,
հազցընում իր սև, դարձւոր աղջրկան,
պալատ ուղարկում թագուհու տեղակ:

Երեսը ծածկած թանձրը շրդարշով
պալատ է մըսնում էն սուտ թագուհին,
ու թագաւորն էլ կասկած չի տանում,
թէ ով է եկել բազմել իր գահին:



Բայց ինչ անում են, ինչ որ չեն անում,
չեն կարում էլ տուն բերեն Գառնիկին.
մայում—էս ափից էն ափն է վազում,
մայում—էն ափից ետ գալի կրրկին:

Ի՞նչ անենք սրբան, ճնց անենք սրբան.
պառաւն ու աղջիկ շատ միտք են անում.
վերջը գալիս է դարձւոր թագուհին
անկողին մըսնում, հիւանդ ձեանում:
էլ թանգ ուտելիք, էլ ազնիւ մրգեր
բերում են փրում, խնդրում, աղերսում.
մըտիկ չի տալի ոչ մէկի վրա.
վերջը Գառնիկի մըսիցն է ուզում...

«Բայց չէ որ, Մանուշ, քու եղբայրն է նա.
ճնց ես նրա միան ուզում դու հիմա»...
—Ի՞նչ անեմ, ինձնից նա ազիզ հօ չի.
Ես որ մեռնում եմ, թող նա էլ կորչի...

Ասում է՝ ճըշում. «վանյ, մեռանյ, աման...»
Ու թագաւորը տալիս է հրաման.


«Կրրակ վառեցէք,
դանակ սրբեցէք,
բերէք մորթեցէք
Ախպէր-Գառնիկին,
որ առողջ լինի
իւր քոյրը տիկին»:



Թագաւորն էսպէս պատուէր է տալի,
պատուէր է տալի ու դուրս է գալի,
զընում է ծովափ սաստիկ սրտնեղած,
թէ հրքան Մանուշն անգութ է եղած...

Մայում է, լալիս Գառնիկ-Ախպէրը,
լացացնում է ժէռ ծովի ափերը,
մի ափից բըռնած միւս ափն է թռչում,
մարդկային լեզուով բըրժը կանչում.

—Քուրիկ ջան, քուրիկ,
կըրակ են վառում,
կըրակ են վառում,
դանակ են սըրում:
Քուրիկ ջան, քուրիկ,
լըսի անգունդից,
օգնութեան հասի,
սպանում են ինձ:



Լըսում է արքան՝ տեղը քար կըտրած,
և ալիքների միջիցը յանկարծ
շատ ծանօթ մի ձայն հեռու, խոնկ ու խոր
կանչում է քնքուշ, կանչում է անգոր.

«Ախպէր ջան, ախպէր,
անհէր ու անմէր,
անքուր ու անտէր,
իմ Գառնիկ-Ախպէր.
դըժար է տեղըս,
ձէնըս չեն լըսում,
ձէնըս չեն լըսում,
ձեռքս չի հասնում:
Ախ, չար պառաւը
սե արաւ օրըս,
այժմ էլ կը սպանի
Գառնիկ-Ախպօրըս»:



Լըսում է արքան, պալատն է հասնում,
պատում է քողը թագուհու դէմքի.
պատում է տեսնում, բայց ի՞նչ է տեսնում,
հով է իր գահին եղել թագուհի...

— Եկէք ձկնորսներ, ուռկան ձրգեցէք,
հանեցէք ծովից մեր լաւ Մանուշին.
Եկէք, դահիճներ, ծովը ձրգեցէք
կախարդ պառաւին ու էս հրրէշին:

Էսպէս բարկացած գոռում է արքան,
ժողովուրդն ամեն թրնդում է ցաւից,
գալիս է կանգնում, ձրգում է ուռկան,
անմեղ Մանուշին հանում է ծովից:




Հանում է ծովից, գահին բարձրացնում, —
կրկին թագուհի ու տիկնանց տիկին
Փառնիկ — Ախպէրն է, անշափ խրեղումից
պատում է իրեն ոչխարի մորթին,

դուրս գալի, կանգնում սիրուն տղամարդ,
ճակաան պայծառ, աչքերը վառ-վառ,
ոչխարի տրեղար մայիւնի տեղակ
մարդկային լեզուով ազատ ու ճարտար:

Իսկ չար պառաւին, իրեն աղջրկան,
որ խաբել էին աշխարհ բովանդակ,
վրդներից կապում ջաղացի քարեր,
ձրգում են ծովի անդունդը անտակ:

Երկու որբեր,
քուր ու ախպէր,
առած պատիւ, դահ աւ թագ.
աշխարհն էլի
խաղանդ ու լի,
չարը թաղած ծովի տակ:





ՀԱՅԱՔՐԱՏՈՒՄ Ի ԴՐԱՍՏՈՐԻԱԿԻ

